



Selasa, 29 Juni 2021

Ogen: Kejadian 27:18-24



Begiken Sora Pusuh



“Sorandu bali ras sora Jakob, tanndu bali ras tan Esau.” Enda perkatan Isak tupung idahi Jakob ia janahna mereken pangan si entabeh bagi siitenahken Isak man Esau abang Jakob. La itandai Isak Jakob ban matana enggo meriben erkiteken umur enggo metua. Jakob ersura-sura ngaloken pasu-pasu i bas bapana nari si enggo leben ikataken bapana man Esau. Ilebei Jakob abang lako nikapken pangan si entabeh man bapana. Ibahanna drama si mehuli alu namaken bulu biri-biri bas daging kulana, tentenna ras tanna. Sura-surana gelah lanai itandai bapana ia si Jakob. Ibahanna sorana pe bago sora Esau, iusih-usihna sora abangna. Tupung meggi sora e, lit nge i bas pusuh Isak curiga, la tek maka e sora Esau. Saja la ipebelinna sora pusuhna, la ipertahankenna, emaka isuruhna Jakob ngerembaki ia gelah idadapna tanna ras kulana. Jakob banci empengaruhi Isak, dungna itepiskenna sora pusuhna, tek ia nandangi kai siidadapna. Situhuna adi ibegiken Isak sora pusuhna, pasti dungna ietehna kai si ilakoken Jakob, sebab sora tangkas denga ibegina labo sora Esau.

Biasana Dibata ngerana man banta i bas pusuh peraten. Sora Dibata i bas pusuh e la pernah bual. Emaka nina rusur orang tua man anak-anakna, begiken sora pusuhndu, sebab i je Dibata ngajari kita erbahan si mehuli ras muat keputusan si mehuli. Banci si idah contoh si deban eme ndehara Pontius Pilatus, tupung Pilatus ersura-sura ndabuhkan ukumen mate man Jesus, itenahkenna kata arah surat si itulisna, nina i bas pusuhku ngatakensa Jesus kalak si mehuli, ula metersa muat ukumen man baNa. Saja persinget enda la ibegiken Pontius Pilatus, ibegikenna cakap si enterem. Seh maka Jesus iukum mate.

Perlukal kita mbegiken pusuh peratenta. Sora pusuh megati la bali ras kai iidah ras kai si dadap. I bas pusuh Dibata ngerana, ras kataNa ringan i je. Kata Dibata ngerana man banta kerna kai si benar ras si la payo. Adi sibegiken sora pusuhna, labo kita sejahtera i bas muat keputusan si salah.